

特約 香港新界風土名勝大觀

江山故人

(禁止轉載)

第二章 居民之來源及其演進

(五) 粉嶺鄉隴西彭氏之源流

粉嶺鄉原名粉嶺嶺，居民近千，皆系出隴西彭氏，今日新界望族之一也。致彭氏之譜系，源出於周之賢臣彭祖，祖名篋，陸終第三子，顯帝之玄孫也，封於彭城，以國為姓，是為彭姓，商末，祖年七百六十一歲，孔子曰：「竊比於我老彭」，即指此而言也。宋理宗時，有彭延年者，原籍江西廬陵郡，彭氏所奉為太始祖者也。於淳祐癸卯領鄉荐，甲辰成進士，授六道諸封，歷宰福州推官、大理寺評事，秘授書郎。

後居潮州揭陽縣浦口村，置田一百畝於梅江都石徑，而不衛差，配幹氏，生六子，繼娶黃氏，合葬揭陽浦口村，墓至今猶存。粉嶺彭族亦有赴該處祭掃者，傳至彭桂，字秀華，妻黃氏，始卜居寶安龍山焉。龍山即今之龍躍頭，居未久，而鄭姓亦自莞城來，與彭氏為比鄰居，其後徙於樓村，復於萬曆年間，移居粉嶺，建屋四十二座，築園繞之，並立祠於園北，至十四世孫國翠，與邑庠生郭鳴

韶，於道光丙午年捐資重修祠宇，至光緒甲申年復重修之，歲之二月初二日率鄉中子弟赴祠致祭，始謂秀華與其淑配黃氏合葬于龍山，土名田畔貝，地形曰喝蛇，並定九月初八日為公祭之期，墓去安樂村里許耳。彭氏近世，科名甚寂，惟其遠祖師爽，字六卿，彥昭九子也，配諸葛氏，生九子，俱登科，分任廬陵、吉水、分宜、山口、潮陽、揭陽、廣州、惠州、興寧、長樂十處知州，一時有「九子十知州」之美名，而彥昭者，亦為一時顯宦，嘗官朝散大夫、領江軍節度使、太保太傅，尚書令檢校閣部侍郎中，賜紫金

魚袋，閔宗順應元年，奉詔統兵與彥昭入江西袁州吉州撫軍，平漢乾佐二年，徙廬陵沙溪居焉，壽一百十九歲，生十五子十三女，該族之人瑞也，至彭延年之職配夫入黃氏亦享遐齡者，文文山於其百歲壽時，詩賀之曰：「龍日蒼花照五雲，升堂采見感尊尊，蓬萊會上逢王母，髮鬢光中現老人，雨露一門華髮潤，江山四座綵衣新，只將千壽為壽，再度人間九百春」，至今彭氏之居粉嶺者為十八世至二十六世，皆有其支族也。

(第二章完)